

# **MAZINAAKZIGAN OWI MINWAAMAJIGAADEG OWI GIIZHIKIGAADEG DIBAMAADIWIN**

## **GICHI GIMAA ANISHINAABE GABE GIIZHIG GIKINO AMAADIWIIGWAM**

Giishpin agii zhaayin Gichi Gimaa Anishinaabe Gabe-giizhig Gikino Amaadiwiigwaaam maage Gichi Gimaa Gabe Giizhig Gikino Amaadiwiigwam, maanda mazinaakzigan ganimaa adaa m'dookdaan gdo onashowe dibiniweziwin.

**Wiingezin gindaman owi.**

### **Kitchi Kiing Debaaknige Gamig agii bagidinaan maanda Mazinaakzigan. Gaawii maanda aawizino dibaaknige-nini gagwedwewin.**

- Owi Manoominike Giizis 19<sup>th</sup>, 2019, Kitchi Kiing Debaaknige Gamig agii mina waamdaanaa-aa miziwe kamig maampii Gaanada zaagoji-dibaaknige gamigon Giizhiikigaadeg Dibamaadiwin gewe Kitchi Kiing Gimaa Gamig ("**Gaanada**") miinwaa Maamowi-yaang Waajii-ejig owi e'nowendaagwag Gaanada agii maajitaatood miinwaa agii dibagaadeg Gitchi Gimaa Anishinaabe Gabe Giizhig Gikino Amaadiwiigwaaaman miinwaa Gitchi Gimaa Gabe Giizhig Gikino Amaadiwiigwaaaman ("**Anishinaabe-Gikino Amaadiwiigwaaaman**") miiwaan owi agaa ani dibendamowaad miinwaa agaa minzhamowaad newen Gabe Giizhi Gikino-Amaadiwiigwaaaman.
- Zhiwe maamowi-yaang dakonigewin, *McLean v Gaanada* (Dibaaknige-gamig Mooshkinebiigan Gindaasiwin T-2169-16), ekinomaagaazijig agaa zhaawaad Gichi Gimaa Anishinaabe Gabe-giizhig Gikino Amaadiwiigwaaam agii gagwedwenaa-aa banaajitaasowin zhiwe Gaanada newen wiisigikaagewin agaa nigaagowaad gewe agii zhaawaad zhiwe. Ado onashowe zhichigewin agii debwebiigaade Odemini-giizis 21, 2018, minwenjigaadeg, aawang maamowi-yaang bibaakiniding zhiwe Kitchi Kiing Debaaknige Gamig.
- E-dagosin owi Giizhikigaadeg Dibagewin Minwaamjigaadeg, Gaanada ada miigwenaa-aa dibagewin gewe e-Miigsejig Maamowi Yaang Waajii-ejig; adash owi, ekinomaagaazijig agaa zhaawaad Gichi Gimaa Anishinaabe Gabe-giizhig Gikino Amaadiwiigwami maage Gichi Gimaa Gikino Amaadiwiigwaaam agaa waawinjigaadeg zhiwe Aankosijigan K owi Giizhiikigaadeg Bezhiwendamowin.
- **Owi inaaknigewin odi Dibaaknige Gamgong, ada dikobnigaazwog kina Maamowi Yaang Waajii-ejig gaawii e'zaagjibiiwidisijig owi onashowe nankiiwin (*Kichi Kiing Dibaaknige Gamigon Naaknigewinan*, Naaknigewin 334-32(5)(f).**

### **Gdo Onashowe Diviniweziwin miinwaa Wenaamjigewinan Zhinda Giizhiikigaadeg:**

- 1. Zaagoji Biiwidiziyin:** Giishpin dowendiziiwin awii dagoyaawin newen ezhibiigaadeg nendowendaagwog owi Giizhiikigaadeg Bezhiwendamowin, aabdeg agaa niindaawen Zaagoji Biiwidiziyin Mooshkinebiigan jibwaa **Baashkaakodin Giizis 18th, 2019.** Zaagjii Biiwidiziyin adaa zgaknigaade gado dibiniweziwin n'jike awii dakonad Gaanada newen maanzhidooramowinan agaa wiisigikaagiyin epiichi kinomaagowin odi Gabe-giizhig Gikino Amaadiwiigwaaam. **Zaagoji Biiwidiziyin mooshkinibiiganan** tenon odi Maamowi Yaang Dakonigewin waasamo-asabi mazina-igan maage ganoondwaa Maamowi Yaang Giigidoninwog.
- 2. Mooshkinebiigan awii debnaman dibagewin:** Giishpin miigsewin aawayin Maamowi-yaang Waajii-ejig, gdaa mooshkinebiige awii debnaman dibagewin. Aabdeg gwii mooshkinebii-aan gagwedwewin moshkinebiigan miinwaa aga niindaawewin odi Naagaanzitang Gagwedwewin jibwaa **Baashkaakodin Giizis 18th, 2019. Gagwedwe dibamaadiwin moshkinebiiganan** ada tenoon odi

MAZINAAKZIGAN OWI MINWAAMAJIGAADEG OWI GIIZHIKIGAADEG DIBAMAADIWIN  
(Genobiigaadeg moshkinebiigan)

Maamowi Yaang Dakonigewin waasamo-asabi mazina-igan maage ganoondwaa Maamowi Yaang Giigidoninwog miinwaa aabdeg awii niidaanwewin odi Naagaanziitang Gagwedwewin.

3. Debwewenjigaadeg  
Zaagoji Biiwidiziyin:

Giishpin agii maajitaawin onashowe zhichigewin owa Gaanada e-nowendaagwog ado dibamowin, niigaanziitamowin, miinwaa naagdowendamowin newen Gabe Giizhig Akinomaage Gamigon miinwaa ndowendiziwin awii boniikaman apii maage jibwaa **Baashkaakodin Giizis 18th, 2019 Baashkaakodin Giizis 18th, 2019**, aga debwenimigo agii zaagoji biiwidiziyin owi giizhiikigaadeg. Gaawii aga miigsesii awii gagwedwewin dibagewin zhinda Maamowi Yaang Dikonigewin.

**Giishpin** bwaa niindaawewin Gagwedwe Dibamaadiwin Moshkinebiigan miinwaa/maage gaawii bwaa zaagiji biiwidiziyin maanda maamowi yaang dakonigewin, aga debwewenjigaaz agii bagjiwebinad Gaanada owi mazinigewin e'zhibiigaadeg zhiwe Giizhiikigaadeg Bezhiwendamowin. Gichi piitendaagwo awii wenaamdaman bezhig ninda niish wenaamjiganan maampii shpiming etegin.

Giishpin zhaazhigwa agii maajitaawin onashowe zhichigewin owa Gaanada e-nowendaagwog ado dibamowin, niigaanziitaman, miinwaa naagdowendamowin newen Gichi Gimaa Gabe Giizhig Akinomaage Gamig miinwaa ndowendiziwin awii boniikaman apii maage jibwaa **Baashkaakodin Giizis 18th, 2019**, aga debwenimigo agii zaagoji biiwidiziyin owi giizhiikigaadeg.

**Ninda enitegin baakiiginigan miigwemigadon woshme gikendamowin owi Maamowi Yaang Dikonigewin miinwaa owi Giizhiikigaadeg Bezhiwendamowin.**

**WEGNESH E-DAGOSIN MAAMPPI MAZINAAKZIGANING:**

**BANGII GIKENDAMOWIN MAANDA GIIZHIKIGAADE DIBAMAADIWIN**

1. Aaniish gaanji debnamaa maanda mazinaakzigan?
2. Wegnesh owi Gichi Gimaa Anishinaabe Gabe-giizhig Gikino Amaadiwigwaamgamig/Gichi Gimaa Gabe-giizhig Gikino Amaadiigamig?
3. Wegnesh owi Maamowi-yaang Dakonigewin?
4. Wegnesh owi *McLean* Anishinaabe Gabe-giizhig Gikino Amaadiwigwaam Maamowi-yaang Dakonigewin?
5. Aaniish enji temgak Giizhiikigaadeg Dibamaadiwin?

**WEGNESH E'DAGOYAAD ZHIWE GIIZHIKIGAADEG DIBAMAADIWIN**

6. Wegnesh e-dagoyaad zhiwe Giizhiikigaadeg Dibamaadiwining?
7. Aaniish giishpin gagwekwendzii-aan endagwen aji dagobiigowaan zhiwe Giizhiikigaadeg Dibamaadiwining?

**GIIZHIKIGAADEG DIBAMAADIWIN BAMITAAGEWINAN**

8. Wegnesh owi giizhiikigaadeg dibamaadiwin maagwemgag?

MAZINAAKZIGAN OWI MINWAAMAJIGAADEG OWI GIIZHIKIGAADEG DIBAMAADIWIN  
(Genobiigaadeg moshkinebiigan)

9. Aaniish agezhi dibamaagaaziwaad giigido-ninwog?
10. Wegnesh awaa bagidendamaa zhinda Giizhendamowining?

### **ZAAGIJIBIWIWIDISYAAN?**

11. Ndaa zaagijibiwidis ana zhiwe Giizhiikigaade Debamaadiwining?
12. Wegnessh yaawong madookdaagewin zaagijibiwidisyaan owi Giizhiikigaade Debamaadiwining?

### **DEBNIGAADEG DIBAMAADIWIN**

13. Aaniish apii age debnamaa ndo dibamaadiwin?
14. Aaniish gezhi debnamaa dibamaadiwin?
15. Aaniish giishpin aanwaamjigaadeg ndo gagwedwewin?
16. Aaniish giishpin aanwendamaa owi dibamaadiwin agaa minding?

### **GIIGIDO-NINIWOG E'NAABSHKAAGYAAN**

17. Wegnesh e'yaawijig gigido-ninwog gewe e'dakonigejig?

### **WOSHME GIKENDAMOWIN**

18. Aaniish agezhi debnamaa woshme gikendamowin?

### **BANGII GIKENDAMOWIN MAANDA GIIZHIKIGAADE DIBAMAADIWIN**

1. Aaniish gaanji debnamaa maanda mazinaakzigan?

Agii debnaan maanda Mazinaakzigan bezhig ninda nisiwi anji.

**Ntam**, agii niindaawen owi *Gabe-giizhik Gikinoo Amaadiiwiigwaam Maamowi-yaang dakonigewin Boozibiige Moshkinebiigan* odi Gowling WLG. Gdo Boozibiige Moshkinebiigan agii miigwemgad Maamowi yaang Giigidon-nini owi shki biigewin zgaakbiigan waazhi debnigowin awii wiindamaagowin IDS oshkichigewin maamowi yaang dakonigewin miinwaa Giizhiikigaade Minwaamjigaadeg.

**Ekwa Niizhing**, gwaya gekenimig agii abi niindaawig maanda gikendamowin zaam debwendamoog maanda IDS Giizhiikigaade adaa madookdaan gdo dibiniweziwin. Agaa bagosenimin weweni kina aji qindaman Masinaakozigan zaam gdo onashowe dibiniweziwin ada madookdaajigaade giishpin gegwa gegwa bwaa zhichigewin.

**Ekwa Nisiwing**, agii mikan maanda Mazinaakzigan enji mawaanjidiwaad bemaadzijig. Ezhi gshkitoong awii wiindamaagaazwaad kina ezhi gshkitoong gewe Maamowi Yaang Waajii-ejig, ninda Mazinaakziganan kina agii niindaadin Anishinaabe Inakaanezi kina zhinda miziwe kamig e'dagosin Anishinaabek Giigidoninwog Anishinaabe Ogimaawig miinwaa Mina Wijiindiwin Wiigwaman maampii Gaanada, miinwaa age bikaan aanin waajii-endijig miinwaa nakii gamgon. Weweni kina gindan Masinaakozigan zaam gdo dibiniweziwin ada madookdaajigaade giishpin gegwa gegwa bwaa zhichigewin.

## 2. Wegnesh owi Gabe-giizhik Gikino Amaadiwiigwaam?

Gichi Gimaa Anishinaabe Gabe-giizhik Gikino Amaadiwiigwaaman miinwaa Gichi Gimaa Gabe-giizhik Gikino Amaadiwiigwaaman dagosanon kina newen gikino'amaadii gamigon agaa maajiiishkaachigaadeg maage agaa waawinjigaadeg owa Kitchi Gimaagamig Anishinaaben Nyaagdowendamowaad miinwaa Giiwednang Naagdowenjigewin miinwaa miziwe kamig Nikaazowinan zhiwe Anishinaabe ekinomaagaazijig mizowe kamig maampii Gaanada naaknigewin agii nendaagoziwog awii zhaawaad (zhiwe *Anishinaabe Onaaknigewin*, Naaknigewin zhiwe Giigidoninwog, Bagwadakamig naaknigewinan miinwaa aanin bkaan naaknigewin), miinwaa agiaa dabagaadegin aanin maage kina owa Gaanada. Gaawii dibishko Maamowidaang enji Kinoomaadin, e'kinomaagaazijig gaawii agii dinisiwog zhiwe Gabe-giizhik Gikino Amaadiwiigwaaman. Ganimaa goweta bangii ezhiwebak (aandakiwang ezhiwebak miinwaa aanin bakaan) e'kinomowind agii danizi zhiwe Gabe-giizhik Gikino Amaadiwiigwaaman.

## 3. Wegnesh owi maamowi yaang dikonigewin?

Zhiwe maamowi yaang dikonigewin, bezhig maage woshme minik bemaadzijig zhinkaazwog **"E'takonigejig"** ado dikonigewog naabshkowaawaad bemaadzijig naasaab e'yaamjig anaajimowin gagwedwewin. Kina gwanda bemaadzijig zhinkaajigaazwog **"maamowi yaang"** maage **"maamowi yaang waajii'ejig."** Dibaaknige gamgoon giizhendaanaa'aan zengendaagwog kina gwaya agaa mdookdaagaazad, amii goweta gaawii gewe agaa gajibiwidisjig owi dikonigewinan. Owa maamowi yang waajii-ed bamigaaza zhiwe dikonigewin agaa "gajibiwidisjid" zhiwe.

## 4. Wegnesh owi Gichi Gimaa Gabe-giizhik Gikino Amaadiwiigwaam maamowi yaang dikonigewin e'aawang?

Owi onashowe zhichigewin, *McLean v Gaanada* (Dibaaknige Gamig mooshkinebiigan T-2169-16), agii bijigaade awii inojima banaajitaasowinan gewe maamowi yang waajii-ejig owa Gaanada newen maanzhidoodamowinan agaa wiisgikaagowaad e'kinomaagaazijig zhiwe Gichi Gimaa Anishinaabe Gabe-giizhik Gikino Amaadiwiigwaam maage Gichi Gimaa Gabe-giizhik Gikino Amaadiwiigwaam. Agaa kinomaagaazijig zhiwe Gichi Gimaa Anishinaabe Gabe Giizhig Gikino Amaadiwiigwaaman maage Gichi Gimaa Gabe Gizhig Gikono Amaadiigamgoon agii dibaajimowog agii wiisgaapinindwaa, maazhidodiwindwaa, nendamowin miinwaa gagwaadendmowin agopjichigewin gewe e'kinomaagejig, naagaanzijig, waaji skoonwimaajig miinwaa aanin bekaanzijig. Aanin ninda zhiwebziwinan, goopajichigewin agii gitichi wiisgikaagemgadon. Ninda agopjichigewinan agii aankesinon bapanajigaazwog, dibasinigaazwog maage agadendimichigaazwog gewe ekinomaagaazijig zaam ado Anishinaabe aadiziwin miinwaa iniwewin. Nikaaziwaad *McLean v Gaanada*, e'Dikonigejig ado gagwedwewog nsidwaamjigaadeg miinwaa gwayaak dodigewin newen maanzhidoodamowinan agaa doodawindwaa agaa zkonwijig zhiwe Gabe-giizhik Gikino Amaadiwiigwaaman miinwaa ado inodewiziwinwaan.

Owi onashowe zhichigewin agii waamjigaade owi dinendamowin aawang maamowi yaang niigaan-iiwidong owa Onaakniged Phelan zhiwe Kitchi Kiing Dibaaknige Gamig Ode-imini-giizis 21, 2018. Owi dikonigewin agii maajitaatoon Garry agaa nibwod jibwaa gashkitchigaadeg Giizhiikigaade. Dibaaknige Gamig agii waawiinaan Roger Augustine miinwaa Claudette Commanda aawiwaad Naabshkaage

MAZINAAKZIGAN OWI MINWAAMAJIGAADEG OWI GIIZHIKIGAADEG DIBAMAADIWIN  
(Genobiigaadeg moshkinebiigan)

E'takonigejig gewe Zhaabwijig Maamowi Yaang. Adaa debnigaazwog gwanda odi Maamowi Yaang Giigidonini maampii niisa-iing ezhibiigaadeg.

## 5. Aaniish enji temgag Giizhiikigaade Dibamaadiwin?

Gichi Kiing Dibaakonige Gimag agii mina waamdaan Gaanada-miziwe kiing zaagaji dibaaknige gamgong giizhiikigewin dibamaadiwin gewe Maamowi Yaang Wijiij'ejig e-dagowendaagwog owi Gaanada ado maajiishkaachigaadeg, dibagaade, naagdowenjigaadeg miinwaa bamibidechigaade newen Gichi Gimaa Anishinaabe Gabe-giizhik Gikino Amaadiwiigwaaman miinwaa Gichi Gimaa Gabe-giizhik Gikino Amaadiwiigwaaman. **Aagaa shkwaa temgak Minwaamjigaadeg Giizhiikigaade Dibamaadiwin Minwaamjigaadeg Bazindaajigewin agaa temgag Zagibagaa-giizis 13<sup>th</sup> apiinish 15<sup>th</sup>, 2019 odi Winnipeg, Manitoba, Gichi Dibaaknige Gamig agii giizhendami owi giizhiikigewin agaa gshkichigaadeg owa Gaanada minwaa owa Maamowi Yaang Wijiij'ewin minawendaagwod, onishin, miinwaa memaanji nishin Maamowi Yaang Wijiij'ewin enigokwog.**

Amii dash onji agii gshkichigaadeg giizhiikigewin minwaa agii minwaamjigaadeg owa Gich Kiing Dibaaknige Gamig, gewe e'dagokaazijig agii miwishkamwad owi giiniwenendamowin awaa zhiwebak enji dibaakniding, gnimaa age giinwinendaagwog awii debnigaadeg ekwaa giizhendami miinwaa megwaach gichi shpangideg e'gdagosin zhiwe dikonigewin maanda engokwaag miinwaa znagendaagwog. Miinwaa aanke owi dibagewin e-debinamwaad bebezhiig gewe Zhaabwijig Maamowi Yaang Waajii-nejig, owi menwaamjigaadeg Giizhiikigaade Dibamaadiwin age dagosin bamitigewinan gaawii age tesnomgag zhiwe giizhendami owi e'dagosin maajiishkaachigaadeg age miigwemgag \$200,000,000 (CDN) Ondiziwin Zhoonyaa awii aasgaabwichigaadeg makwenjigewin nankiiwin, mina-yaawin miinwaa mina zhayaang nankiiwin, miinwaa iniwewin miinwaa inaadiziwin maajiish'kaachigewinan.

## WEGNESH E'DAGOYAAD ZHIWE GIIZHIKIGAADEG DIBAMAADIWIN?

### 6. Wegnesh e-dagoyaad zhiwe Giizhiikigaade Dibamaadiwin?

Agaa zhaajig Gichi Gimaa Anishinaabe Gabe-giizhik Gikino Amaadiwiigwaaman miinwaa Gichi Gimaa Gabe-giizhik Gikino Amaadiwiigwaaman ("**Zhaabshkaajig Maamowi Yaang Waajii'ejig**") miinwaa ado inodewiziwinwaa ("**Inodewiziwin Maamowi Yaang Waajii-nejig**") dago biigaaziwog zhiwe Giizhiikigaade Dibamaadiwin.

Awii miigsewin aawiyin **Zhaabshkaajig Maamowi Yaang Waajii'ejig** aabdeg gdaa agii zhaa ganigen agwa bezhiig newen agaa waawinjigaadeg Gabe-giizhik Gikino Amaadiwiigwaaman owi apii agaa bamibidechigaadeg miinwaa/maage agaa ganawenjigaadeg owa Gaanada miinwaa aabdeg gdaa agii wiisgikaagon e'nisidwaamjigaadeg maanzhidoodaagewin gaanji zhiwebak agii zhaawin odi. Newen agaa waawinjigaadeg Gabe-giizhik Gikino Amaadiwiigwaaman zhiwe zhibiigaadenon odi **Aankobiiganing K zhiwe Giizhiikigaade Dibamaadiwin Bezhiigwendamiwin**, e' temgag odi Maamowi Yaang dikonigewin odi waasamo-asabi mazina-igan awii aanji gnowaamjigaadeg miinwaa

MAZINAAKZIGAN OWI MINWAAMAJIGAADEG OWI GIIZHIKIGAADEG DIBAMAADIWIN  
(Genobiigaadeg moshkinebiigan)

awii debwewendaagwog. Ensa bezhig e-miigsed Zhaabshkaajig Maamowi Yaang Waajii'ejig ada dowendaagozi awii miigwed aasgaabwitaage maziniginan owi ado gagwedwewin.

**Inodewiziwin Maamowi Yaang Waajii-*ejig*** gaawii ada debnaziin gagwek dibagewin zhiwe Giizhiikigaade Dibamaadiwin. Meshkwad dash, \$200,000,000 (CDN) Ondiziwin Zhoonyaa awii maajiishkaachigaade age miigwemgag awii aasgaabwitamowaad makwenjigewin nankiiwin, mina-yaawin/mina zhayaang, miinwaa maajiish'kaachigewinan miinwaa ganowenjigaadeg Anishinaabe iniwewin miinwaa inaadiziwin.

## **7. Aaniish giishpin gwekwendiziwaan endgwen aji digobiigaaziyaan zhiwe Giizhiikigaade Dibamaadiwin?**

Giishpin gwekwendiziwaan endgwen aji digobiigaaziyaan zhiwe Giizhiikigaade Dibamaadiwin, gagwek gdaa ganonaa Maamowi Yaang Giigidonini maage gdaa giigid maampii enizhibiigaadeg wenpash giigido biwaabkoon gindaasowin: 1 (844) 539-3815 maage gdaa zhaa odi [www.IndianDaySchools.com](http://www.IndianDaySchools.com)

## **GIIZHIKIGAADEG DIBAMAADIWIN BAMITAAGEWINAN**

## **8. Wegnesh maagwemgag owi Giizhiikigaade Dibamaadiwin?**

Owi Giizhiikigaade Dibamaadiwin gagwek Dibamaadiwin gewe Zhaabshkaajig Maamowi Yaang Waajii'ejig agaa nkwehkmowaad wiisigikaagewin epiichi gikinomaagaazwaad zhiwe e'zhibiigaadegin Gichi Gimaa Anishinaabe Gabe-giizhik Gikino Amaadiwiigwaam miinwaa Gichi Kiing Gabe-giizhik Gikino Amaadiwiigwaam owi maagseg apii agaa zhiwebak (**"Maagsejig Maamowi Yaang Waajii'ejig."** Newen e'zhibiigaadegin Gabe-giizhik Gikino Amaadiwiigwaaman tenon zhiwe **Aankobiiganing K** zhiwe Giizhiikigaade Dibamaadiwin Bezhiwendamowin.

Owi Giizhiikigaade Dibamaadiwin Bezhiwendamowin age miigwemgad \$200,000,000 (CDN) awii aasgaabwitamowaad makwenjigewin nankiiwin, mina-yaawin miinwaa mina zhayaang nankiiwin, miinwaa iniwewin miinwaa inaadiziwin maajiish'kaachigewinan. Owi dibagewin ada giizhaasin aawan mookine-aawang dibamaadiwin owi Mclean Gabe Giizhig Gikino Amaadiwiigwaaman Giizhiikigaade Dibamaadiwin Maamawichigewin, age swewokiwaad owi zhoonyaa gew zhaazhigwa etegin wiijiindiwinan miinwaa maajiishkaachigewinan.

E-miigsejig Maamowi Yaang Waajii'ejig ada dowendaagoziwog awii gagwedwewaad odi Naagaanziitang Gagwedwewin awii debninamwaad dibagewin. Gaanada agii bezhiwendam awii diba'amaged gewe E'miigsejig Maamowi Yaang Waajii'ejig dibaamjigaadeg agaa piitaag maanzhidoodamowin agaa wiisigikaagwaad epiichi skonniwaad odi Gabe Giizhig Gikino Amaadiwiigwaam ezhibiigaadeg zhiwe Aankobiiganing K. Agaa piitaag maanzhidoodaagewin dabigaade nikaazang Maanzhidoodaagewin Dabizhigan Mazinigan e'dagosin naanan (5) e'zhising dibagewin. Owi ezhising miinwaa waajii'emgak diba'amagewin maampii zhibiigaade:

Ezhising 1: \$10,000 (CDN)

Ezhising 2: \$50,000 (CDN)

MAZINAAKZIGAN OWI MINWAAMAJIGAADEG OWI GIIZHIKIGAADEG DIBAMAADIWIN  
(Genobiigaadeg moshkinebiigan)

Ezhising 3: \$100,000 (CDN)  
Ezhising 4: \$150,000 (CDN)  
Ezhising 5: \$200,000 (CDN)

Zhiwe owi Giizhiikigaade Dibamaadiwin, E'miigsejig Maamowi Yaang Waajii'ejig ada debnaanaa-aa bezhig goweta dibagewin e'wiji'emgag owi memaanji maanzhidoodamowin agaa wiisgikaagwaad epiichi skonwiwaad odi Gichi Gimaa Anishinaabe Gabe Giizhig Anishinaabe Gikino Amaadiwiigwaam maage Gichi Gimaa Gabe Giizhig Gikino Amaadiwiigwaam, manjigwa iidik minik gikino amaadiwiigwaaman agaa zhaawaad. Ensa bezhig ezhising maanzhidoodamowin dogosinon debwewin nendowendaagwog. Owi Maanzhidoodaagewin Dabizhigan Mazinigan miinwaa aanin bakaan gikendamowinan tenon odi [www.indiandayschools.com](http://www.indiandayschools.com).

## 9. Engindeg Minwaamjigaadeg

Gaanada agii nendam awii dibamowaad Maamowi Yaang Giigido-ninwon nangdaasiwin miinwaa dibagewinan owi minig \$55,000,000 (CDN) miinwaa nendowendaagwog edagosin Gimaa Gamig dibagewinan. Gichi Kiing Dibaaknige Gamig agii minwaamdaanan ninda engindeg miinwaa dibagewinan. **Gaawii gego owi Maamowi Yaang Giigido-nini engindeg ada jibaamgasno zhiwe dibagewining agaa dibagaadeg Zhaabshkaajig Maamowi Yaang Waajii'ejig maage owi Ondiziwin Zhoonyaa.** Kina woshme engindeg miinwaa dibagewinan miinwaa e-dagosin newen Maamowi Yaang Giigido-nini awii minwaamjigaade enji Dibaaknidin.

**Gaawii gego nangdesno Maamowi Yaang Waajii'ejig e'debnamjig naadmaagewin owa Maamowi Yaang Giigido-nini epiichi Gagwedwe Zhichigewin.**

## 10. Wegnesh e'bagidendamaa zhinda Giizhiikigaade Dibamaadiwin?

**Owi Dibaaknige Gamig minwaamjigewin owi Giizhiikigaade Dibamaadiwin dikobijigemgad gewe kina maamowi yaang waajii'ejig gaawii e-zaagijibiwidiziwaad zhiwe zhichigewin jibwaa Baashkaakodin Giizis 18th, 2019.**

Giishpin **BWAA** zaagiji biwidiziyin zhiwe Giizhiikigaade Dibamaadiwin, ezhi ozhibiigaadeg zhinda niisa-iing, gaawii aga gshkitosiin awii giikinaman dikonigewin giin owi Gaanada ado bamibdechigewin miinwaa naagdowenjigewin newen Gabe Giizhig Gikino Amaadiwiigwaam. Giishpin **BWAA** gajibiwidiziyin zhiwe Giizhiikigaade Dibamaadiwin, ezhi ozhibiigaadeg zhinda niisa-iing, aga nisdwenimigo agii bagidinad Gaanada mazinigewin kina maazhidodaagewinan agaa wiisgikaagiyin odi Gabe Giizhig Gikino Amaadiwiigwaaman) agaanji skonwiwin. Ne-aab dash, giishpin miigsewin, aga debnaan dibagewin newen maazhidodaagewinan agaa nkwehshkman.

*Gaawii zhinda Giizhiikigaade Dibamaadiwing gdo dowendaagozisii awii bagidendaman gdo dibiniweziwin awii dikonad Kiins maage aname gamigon agii dagokaaziwaad owi bamibdechigaadeg miinwaa naagdowenjigaadeg Gichi Gimaa Anishinaabe Gabe Giizhig Gikino Amaadiwiigwaam maage Gichi Gimaa Gabe Giizhig Gikino Amaadiwiigwaam.*

MAZINAAKZIGAN OWI MINWAAMAJIGAADEG OWI GIIZHIKIGAADEG DIBAMAADIWIN  
(Genobiigaadeg moshkinebiigan)

Giizhiikigaade Dibamaadiwin Bezhigwendamowin miigwemgad gagwek masinbiigan owi Bagidnigewin. Weweni gindan owi Giizhiikigaade Dibamaadiwin Bezhigwendamowin miinwaa gdaa ginonaa Maamowi Yaang Giigidonini giishpin gego gagwedwewinan yaaman. Moshki dibaajimowin owi Bagidnigewin age tenon zhiwe Naaknigewin owa Gichi Kiing Dibaaknige Gamig minwaamdang owi Giizhiikigaade Dibamaadiwin.

## **ZAAGIJIBIIWIDISYAAN?**

### **11. Ndaa zaagijibiwidis ana zhiwe Giizhiikigaadeg Dibamaadiwining?**

Owi inaaknigewin odi Dibaaknige Gamgoong, ada dikobnigaazwog kina Maamowi Yaang Waajii-ejig **gaawii** e'zaagijibiwidisijig owi onashowe nankiiwin (*Kichi Kiing Dibaaknige Gamig Naaknigewinan*, Naaknigewin 334-32(5)(f)).

Giishpin aawiyin E'miigsed Maamowi Yaang Waajii'ed gdaa gajibiwidis zhiwe Giizhiikigaade Dibamaadiwin niindaawewin e'noziwinkaadiman miinwaa apii yaawang **Zaagiji Biiwidisiyin Moshkinebiigan** jibwaa ekwa-iiwang Zaagiji Biiwidisiyin ishkwateg Owi **Zaagiji Biiwidisiyin Ishkwaaseg** aawan zhaangsimidana (90) giizhigad shkwaa Kichi Kiing Dibaaknige Gamig minwaamdang owi Giizhiikigaade Dibamaadiwin Bezhigwendamowin.

Giishpin zhaazhigwa agii maajitaawin onashowe zhichigewin owa Gaanada e-nowendaagwog ado dibamowin, niigaanziitamowin, miinwaa naagdowendamowin newen Gichi Gimaa Anishinaabe Gabe Giizhig Akinomaage Gamig **miinwaa ndowendiziwin awii boniikaman gdo dikonigewin** apii maage jibwaa [zaagoji biiwidiziwin ekwaaseg] aga debwenimigo agii zaagoji biiwidiziwin owi giizhiikigaadeg dibagewin.

Woshme gikendamowin owi Zaagoji Biiwidiziwin Yaawang temgad odi [www.IndianDaySchools.com](http://www.IndianDaySchools.com) maage ginonad Maamowi Yaang Giigidonini. Woshme age, mazinaakozigan owi Zaagoji Biiwidisiyin Moshkinebiigan temgad gagwedwewin owa Maamowi Yaang Giigidonini maage Naagaanziitang Gagwedwewin.





**14. Aaniish giishpin ndo gagwedwewin aanwaamjigaadeg?**

Owa Naagaanziitang Gagwedwewin aga wiindamaag giishpin gdo gagwedwewin aanwaamjigaadeg.

Gdo Gagwedwewin ada aanwaamjigaade giishpin (i) gaawii aawisiwin E'miigsed Maamowi Yaang Wiji'ed; (ii) zhaazhigwa agii dibamaagowin, bkaan gego dikonigewin, agii zhaawin Gichi Gimaa Anishinaabe Gabe Giizhig Akinomaage Gamig maage Gichi Gimaa Gabe Giizhig Akinomaage Gamig; maage (iii) agii zaagoji biiwidiziwin owi giizhiikigaadeg agii niindaawewin owi Zaagoji Biiwidiziwin Moshkinebiigan.

**15. Aaniish giishpin aanwaamdamaa owi minik dibagewin agaa miigweng?**

Giishpin aawiyin E'miigsed Maamwi Yaang Waajii'ed miinwaa gaawii zhaazhigwa agii debnaziwan dibagewin agii skoonwiwin Gichi Gimaa Aniahinaabe Gabe Giizhig Gikino Amaadiwiigwaam maage Gichi Gimaa Gabe Giizhig Gikino Amaadiwiigwaam, owa Naagaanziitang Gagwedwewin ada dibaamdan gdo Gagwedwewin miinwaa ada minwaamdaan ezhising dibagewin naagzowaamjigaadeg owi Maanzhidoodaagewin Dabizhigan Mazinigan.

Giishpin owa Naagaanziitang Gagwedwewin minwaamdang gdo Gagwedwewin woshme dibashish dibagewin e'debwendamaan awii debnaman nikaazang owi Maanzhidoodaagewin Dabizhigan Mazinigan, gdaa yaan awii wenaamdaman awii miigwewin woshme gikenjigewin miinwaa awii aanji ndakenjigaadeg gdo gagwedwewin waamjigaadeg owi woshme gikenjigewin. Owa Naagaanziitang Gagwedwewin aga wiindamaag gdo aanji ndakenjigewin.

Giishpin owa Naagaanziitang Gagwedwewin debwetod ado ntami dabizhigewin, aga yaan awii wenaamdaman gdo gagwedwewin awii aanji gnowaamjigaadeg owa Nisiwi Ndakenjige Dibizhigenini. Owi giizhendawin owi Nisiwi Ndakenjige Dibizhigenini ekwa wiiwan.

**GIIGIDO-NINIWOG E'NAABSHKAAGYAAN**

**16. Wegnesh gewe giigidoninwog onaabshkowaad e'tikonigejig?**

Gowling WLG (Canada) LLP agii waawinjigaazwog aawiwaad Maamwi Yaang Giigidonini owa Enaakiniged Phelan odi Gichi Kiing Dibaaknige Gamig Ode-imini-giizis 21, 2018. Gdaa ganoonaa Maamwi Yaang Giigidonini odi:

**Gowling WLG (Canada) LLP 160 Elgin Street  
Suite 2600 Ottawa, Ontario K1P 1C3**

**Biiwaabikong mazinaatesjigan:  
[dayschools@gowlingwlg.com](mailto:dayschools@gowlingwlg.com)**

**Wenpash giigido biiwaabikons Gabe Giizhig  
Gikino Amaadiwiigwaam Aasgaabwitage  
Zhichigewin:  
1 (844) 539-3815**

## **MAZINAAKZIGAN OWI MINWAAMAJIGAADEG OWI GIIZHIKIGAADEG DIBAMAADIWIN**

### **GICHI GIMAA ANISHINAABE GABE GIIZHIG GIKINO AMAADIWIIGWAM**

Giishpin agii zhaayin Gichi Gimaa Anishinaabe Gabe-giizhig Gikino Amaadiwiigwaaam maage Gichi Gimaa Gabe Giizhig Gikino Amaadiwiigwam, maanda mazinaakzigan ganimaa adaa m'dookdaan gdo onashowe dibiniweziwin.

#### **Wiingezin gindaman owi.**

Robert Winogron, Partner  
+1 613 786 0176  
[robert.winogron@gowlingwlq.com](mailto:robert.winogron@gowlingwlq.com)

Mary M. Thomson, Partner  
+1 416 862 4644  
[mary.thomson@gowlingwlq.com](mailto:mary.thomson@gowlingwlq.com)

Jeremy Bouchard, Partner  
+1 613 786 0246  
[jeremy.bouchard@gowlingwlq.com](mailto:jeremy.bouchard@gowlingwlq.com)

Vanessa Lessard, Law Clerk  
[vanessa.lessard@gowlingwlq.com](mailto:vanessa.lessard@gowlingwlq.com)

### ***Gewew Maamowi Yaang Giigidoninwog***

Naagaanzid Maamowi Yaang Giigidoninwog aawiwog Robert Winogron, Jeremy Bouchard and Mary M. Thomson owi Giigidoninwog nakii gamig, Gowling WLG (Canada) LLP. Mr. Winogron miinwaa Mr. Bouchard woshme 30 biboon maamwi onashowe ngadendamowin daa-aanaa-aa owi Anishinaabe Onashowe miinwaa Dibaaknigeng. Ms. Thomson aawi Maamowi Yaang dikonigewin negjijitod miinwaa woshme 35 biboon owi dibaaknigeng ngadendamowin. Gowling WLG (Canada) LLP aawiwog miziwe kiing onashowe giigidoninwog nakii gamig, e'aabaji nisidwenjigaadeg ado giigidotamowaa-aad gewe Anishinaabe wiijiindiwinan maampii Gaanada.

**Gaawii gego nangidesino awii ginonad Maamowi Yaang Giigidonini.**

### **WOSHME GIKENDAMOWIN**

#### **17. Aaniish agezhi debnamaa woshme gikenjigewin?**

Maanda mazinaakzigan mazoweibiigaade owi enaaknigaadeg Giizhiikigaade Dibamaadiwin. Woshme zhibiiganan tenoon zhiwe Giizhiikigaade Dibamaadiwin Bezhigwendamowin.

Gdaa debnaan mazinaakozigan owi Giizhiikigaade Dibamaadiwin Bezhigwendamowin miinwaa Giizhendamowin owi Gichi Gimaa Dibaaknige Gamig odi [www.IndianDaySchools.com](http://www.IndianDaySchools.com). Gdaa niindaawenan gdo gagwedwewinan odi **Anishinaabe Gabe Giizhig Gikino Amaadiwiigwam Maamwi Yaang Dikonigewin**, c/o Maamowi Yaang Giigidonini.